



Republika e Kosovës / Republika Kosovo / Republic Of Kosovo



Komuna Rahovec / Opština Orahovac / Municipality Rahovec

Drejtoria për Arsim
Odeljenje za Obrazovanje
Department for Education

RAPORTI VJETOR I PUNËS



REPUBLIKA E KOSOVËS
REPUBLIKA KOSOVA

KOMUNA E RAHOVECIT - OPŠTINA ORAHOVAC
Drejtoria për Arsim
Odeljenje za Obrazovanje



Janar – Dhjetor, 2020

-IV- Nr. I prot. 628 Më 14.01.2021
Br. prot. Dt. 14.01.2021
RAHOVEC - ORAHOVAC

Hyrje

Në këtë raport të Drejtorisë Komunale për Arsim janë pasqyruar aktivitetet dhe punët që janë kryer në 12 muajt e vitit 2020. Këto aktivitete janë zhvilluar sipas planifikimeve të bëra të planit vjetor të punës, përkatësisht sipas planifikimeve të aktiviteteve të parapara gjatë tërë vitit.

Synimet kryesore e DKA-së për vitin 2020 ishin:

- Funksionalizimi i Ekipit Profesional Vlerësues në kuadër të DKA-së;
- Funksionalizimi i plotë i Ekipeve Profesionale Vlerësuese në secilën shkollë;
- Zgjerimi i stafit të DKA-së me kuadrin e nevojshëm të pedagogëve dhe psikologëve;
- Riparimet dhe investimet në efikasitet të energjisë në objektet shkollore;
- Vazhdimi i investimeve në projektet për ndërtimin e 3 çerdheve për fëmijë;
- Vazhdimi i projekteve për ndërtimin e shkollave të reja të filluara nga viti 2018;
- Ndërtimi i shkollave të reja;
- Vazhdimi i investimeve në projektet e instalimit të ngrohjes qendrore në shkolla, të cilat nuk kanë.
- Vazhdimi i investimeve në riparimin e nyjeve sanitare nëpër objektet shkollore.
- Furnizimi i shkollave me libra, pako pedagogjike, pajisja me mjete konkretizimi e laboratorike dhe teknologji informative.

Qëllime kryesore kishim:

- Ngritjen e cilësisë së procesit edukativo-arsimor në shkollat e të gjitha niveleve;
- Përmirësimin e infrastrukturës së brendshme dhe të jashtme të institucioneve edukativo arsimore;
- Zhvillimin e aktiviteteve të shumta kurrikulare dhe jashtëkurrikulare;
- Funksionimin sa më të mirë të organeve drejtuese të shkollave;

- Ngritjen dhe zhvillimin profesional të kuadrit arsimor.

Objektivat tona të përhershme, që karakterizuan edhe këtë vit, janë:

- Përmirësimi i nivelit të mësimdhënies dhe të nxënësve në të gjitha shkollat;
- Zvogëlimi deri në minimum i mungesave të pa arsyeshme të nxënësve dhe mësimdhënësve;
- Ndërtimi i objekteve të reja shkollore dhe objekteve parashkollore (çerdheve);
- Riparimet e objekteve shkollore;
- Rregullimi i hapësirave të brendshme dhe të jashtme të shkollës;
- Zhvillimi i aktiviteteve të shumta jashtë kurrikulare në nivel shkolle dhe komune;
- Futja në procesin e implementimit të KB dhe KKK për të gjitha shkollat e komunës;
- Bashkëpunimi me komunitetin dhe me OJQ-të, aksionet vullnetare;
- Integrimi në procesin edukativo-arsimor i të gjithë fëmijëve të të gjitha komuniteteve pa dallim;

Mirëpo, gjatë kësaj periudhe u krijua një situatë e pa parashikur, si rezultat i shfaqjes së pandemisë COVID-19. Si rrjedhojë e gjendjes së re të krijuar, ne kemi bërë edhe punë të pa parashikuara në planin vjetor. Aktivitetet dhe punët e kryera gjatë kësaj periudhe po i paraqesim të përmbledhura në 4 etapa me nga 3 muaj, siç vijon:

Aktivitetet në periudhën Janar - Mars

- Në fillim të janarit u realizua procesi i trajnimit të Ekipeve të Vlerësimit të Brendshëm të të gjitha shkollave, trajnim ky i cili u zhvillua gjatë pushimit dimëror. Në këtë trajnim u përfshinë të gjitha ekipet e secilës shkollë, me gjithsej 190 pjesëmarrës.
- Më 10 Janar u mbajt një takim informues i thirrur nga zyrtarët e MASHT dhe KEC për procesin e aplikimit të shkollave në Projektet e Granteve Shkollore të financuara nga Banka Botërore dhe mbështetur nga MASHT. Në këtë takim morën pjesë drejtorët e shkollave që kanë përgatitur projektpropozimet edhe nga komuna jonë.
- Pranuan një donacion nga KFORI Italian, të cilin e dedikuam për nxënësit e Shfmu "Gëzim Hamza-Piktori". Ky donacion u dhurua si rezultat i bashkëpunimit të DKA-së me Kforin Italian dhe përmban mjete konkretizimi dhe pajisje laboratorike për lëndën e fizikës.
- U mbajtën garat shkollore të Fizikanëve të Rinjë, ndërsa më 18 Janar u mbajt Gara Komunale e Fizikanëve të Rinjë me nxënësit fitues të klasave 9,10, 11 dhe 12. Poashtu, nëpër shkolla kanë janë mbajtur garat shkollore për Olimpiadën e Matematikës, gara komunale e së cilës u zhvillua më 25 janar.
- Realizuan një takim me Caritas-in e Zvicrës ku u konsultuam për fillimin e realizimit të projektit "Shpresë", përmes të cilit 6 klasa parafillore do të pajisen me inventar dhe do të bëhet trajnimi i të gjitha edukatoreve.

- Është mbajtur takimi i dytë i Ekipit për Parandalimin e Braktisjes dhe Reagimit ndaj Mosregjistrimit të nxënësve.
- Kemi mbajtur takime me përfaqësues të operatorëve që kanë kontratë në ndërtimin e shkollave dhe çerdheve, në të cilat kemi biseduar për rifillimin e punimeve në realizimin e projekteve. Nëpër të gjitha shkollat ka vazhduar themelimi i Ekipeve Shkollore për Parandalimin e Braktisjes dhe Reagimit ndaj Mosregjistrimit (EPBRM) të nxënësve.
- Filluam të përgatisim paramasat për projektin “Riparime në Shkolla”, përkatësisht për riparimin e nyjeve sanitare dhe dysHEMEVE të shkollave dhe paramasën për ngrohje qendrore për shkollën “Dëshmorët e Lirisë” dhe për shkollën “Vëllezërit Frashëri” – paralelja e ndarë në Senoc.
- Në Shkollën e Mesme Profesionale kemi përruar 3 kabinete: kabinetin e makinerisë, kabinetin e teknologjisë informative dhe kabinetin e shkencave juridike. Nëpër shkolla janë mbajtur programe festive për nder të 17 Shkurtit-Ditës së Pavarësisë së Kosovës, ndërkaq në bashkëpunim me DKRS kemi organizuar dhe mbajtur një tryezë diskutimi me historianë.
- Vazhdoi trajnimi me drejtorët e shkollave në kuadër të projektit “Shkollat e shek. 21”, i mbështetur nga Këshilli Britanik, Masht dhe DKA. Kanë rifilluar punimet në ndërtimin e objektit të shkollës në Kaznik dhe në Fortesë. Kemi përgatitur kërkesat për mbështetje financiare të projekteve drejtuar MASHTI-t, dhe kemi marrë pjesë në Konferencën për Edukimin të organizuar nga Qendra për Arsim e Kosovës dhe nga Organizata “Teach for Kosova”.
- Drejtori i DKA-së, më 9 Mars, ka marrë pjesë në takimin e thirrur nga MASH për të shqyrtuar situatën e krijuar nga përhapja e Virusit Corona dhe për masat parandaluese që duhet ndërmarrë në çerdhe e shkolla. Pas këtij takimi, DKA ka themeluar një ekip koordinues për të ndërmarrë masat adekuate.
- Procesi mësimor në të gjitha nivelet e sistemit arsimor është ndërprerë, sipas vendimit të qeverisë dhe janë marrë masa në rritjen e higjienës në çerdhe e shkolla.

Aktivitetet në periudhën Prill – Qershor

- Në këtë periudhë vizituam punishtet ku po punohet në realizimin e projekteve, si punishtet në ndërtimin e çerdes në Xërxë, punimet në ndërtimin e objektit të shkollës në Fortesë dhe punimet në instalimin e ngrohjes qendrore në objektin e ri të shkollës në Hoçë të Vogël/Brestoc.
- Nisëm procedurat e prokurimit për projektin e renovimit në 10 shkolla dhe po ashtu projektin për instalimin e ngrohjes qendrore në shkollën “Dëshmorët e Lirisë” në Pataqan të Ulët dhe në paralelen e ndarë të shkollës “Vëllezërit Frashëri” në Senoc.
- Vazhduam me përcjelljen e procesit të mësimit në distancë duke zbatuar rekomandimet e MASHTIT-t për të gjitha nivelet e sistemit arsimor.
- Morëm njoftimin e rëndësishëm nga kompaia Consult-Eng – Prishtinë, e cila ka lidhur kontratë me MZHE-në, se do të fillojë së zbatuari projekti i zbatimit të masave të efijencës së energjisë në objektin e shkollës “Nesimi Elshani” në fshatin Nagavc.

- Nga ELKOS-Group dhe përmes MASH kemi pranuar një donacion të vogël prej 11 laptopë të vegjël, të cilat i kemi shpërndarë tek nxënësit që nuk kanë pasur fare.
- Kemi pranuar raporte të rregullta nga drejtorët e shkollave për ecurinë e zhvillimit të mësimit nga distanca, me ç'rast kemi mbajtur edhe takime online me drejtorët e shkollave.
- Vazhdoi procesi i aplikimit të studentëve në konkursin për bursa komunale.
- Nisëm hartimin e paramasave për riparimin e tualeteve dhe nyjeve sanitare për 4 shkolla, të cilat pasi i përgatitëm, i kemi dërguar në Departamentin e Infrastrukturës në Ministrinë e Arsimit.
- Kemi përgatitur një raport detal të ecurisë së mësimit në distancë gjatë kësaj periudhe dhe këtë raport e kemi prezantuar në mbledhjen e radhës të Kuvendit Komunal.
- Realizuar planifikimin për regjistrimin e nxënësve në klasat e 10-ta në 3 SHML-të dhe në SHMLP.
- Nga MASH morëm njoftimin se testi i arritshmërisë do të mbahet më 23 qershor dhe ai i maturës më 4 korrik. Po ashtu, nga MASHTI kemi marrë njoftimin se do të fillohet me mësim plotësues me nxënësit e klasave të nënta dhe të 12-a. Për këtë arsye mbajtëm një mbledhje me të gjithë drejtorët e shkollave fillore të mesme të ulëta për t'i bërë të gjitha përgatitjet e nevojshme. Nga data 3 qershor rifilloi puna në objektin e vjetër të çerdhes së fëmijëve, pasi bëmë dezinfektimin dhe punët tjera përgatitore.
- Për mbajtjen e Testit të Arritshmërisë përcaktuar 5 qendra (objekte shkollore), të cilat u përgatiten për t'i pritur numrin e nxënësve deri në 200 nxënës, me masa mbrojtëse sipas rekomandimeve të Mashti-t.
- Në objektin e ri të çerdhes Tulipanët ka vazhduar pajisja me inventarin e nevojshëm, proces ky i cili po vazhdon, por ende nuk ka përfunduar.
- Në objektin e shkollës "Nesimi Elshani" në Nagavc ka filluar projekti i efijencës së energjisë, ku fillimisht ka filluar puna në instalimin e ndriçimit efijent e pastaj do të vazhdohet me instalimin e ngrohjes qendrore dhe punëve të tjera të parapara sipas projektit.
- Kemi përgatitur 6 kërkesa drejtuar MASHTI-t për mbështetje financiare të projekteve në vazhdim, ndërkohë që në bashkëpunim me DKRS kemi filluar përgatitjet për garën sportive virtuale me nxënës të lindur në vitin 2008, organizuar nga Komiteti Olimpik i Kosovës.

Aktivitetet në periudhën Korrik – Shtator

- Në këtë periudhë kemi vazhduar furnizimin me lëndë djegëse(dru) për ngrohje gjatë dimrit.
- Pasi u lidh kontrata, menjëherë kanë filluar punët në instalimin e ngrohjes qendrore në dy objekte shkollore, në objektin e shkollës "Dëshmorët e Lirisë" në Pataqan të Poshtëm dhe në objektin e paraleles së ndarë të shkollës "Vëllezërit Frashëri" në Senoc. Punët kanë filluar edhe në projektin e renovimit të shkollave (Lot2), përkatësisht në renovimin e dysHEMEVE të klasave dhe nyjeve sanitare në objektin e shkollës "Gëzim Hamza-Piktori". Poashtu, këto riparime kanë filluar edhe në objektin e vjetër të shkollës "Isa Boletin".

- Ka vazhduar procesi i regjistrimit të fëmijëve në klasat parafillore dhe në klasat e para në të gjitha shkollat dhe kemi filluar me grumbullimin e të dhënave për numrin e nxënësve nga klasa e parë deri në klasat e nënta për t'u pajisur me tekste falas nga Ministria e Arsimit dhe Shkencës.
- Kemi vazhduar procesin e grumbullimit të të dhënave për të bërë planifikimin e kuadrit mësimor dhe numrit të orëve për vitin e ri shkollor 2020/2021 dhe kemi evidencuar të gjithë numrin e nxënësve në të gjitha nivelet, të cilëve u mungon teknologjia informative. Këto të dhëna i kemi dërguar në MASH.
- U mbajt dhe përfundoi edhe cikli i parë i trajnimeve të edukatoreve dhe mësimdhënësve të niveleve parafillor dhe fillor për zbatimin praktik të kurrikulës, trajnim të cilin e realizuam në Qendrën për Ngritje Profesionale në shkollën "Isa Boletini". U trajnuan 15 edukatore dhe mësues/e klase.
- Kemi bërë vizitë punimeve në instalimin e ngrohjes qendrore në objektin e shkollës "Dëshmorët e Lirisë" në Pataqan të Poshtëm, ku ky proces vazhdoi pastaj edhe në objektin e paraleles së ndarë të shkollës "Vëllezërit Frashëri" në Senoc.
- Së bashku me inxhinierët e komunës kemi qenë në oborrin e shkollës "Nesimi Elshani", ku kemi bërë matjet e nevojshme për hartimin e paramasës për rrethojën e oborrit të shkollës. Kemi filluar përgatitjen edhe të paramasës për nyjet sanitare në objektin e shkollës "Rilindja" në Çifllak.
- Është përfunduar realizimi i projektit të efijencës së energjisë në shkollën "Nesimi Elshani" në Nagavc, ndërkohë që punët kanë vazhduar edhe në ndërtimin e cerdheve në Xërxë dhe Ratkoc, të cilat i vizituam.
- Kemi pranuar një donacion prej 120 bankave dhe 240 karrigeve për nxënës nga Kolegji "Biznesi", të cilat gjatë i shpërndamë në 5 shkolla, të cilat kishin nevojë.
- Nga MASH është nxjerrë vendimi që të anulohet mbajtja e testit të arritshmërisë, ndërsa regjistrimi i nxënësve në klasat e 10-a u zhvillua nga data 17 gusht e deri më 21 gusht.
- Nëpër shkollat fillore të mesme të ulëta është bërë shpërndarja e dëftesave për nxënësit e klasave të nënta dhe kemi hapur konkursin për regjistrimin e tyre në klasat e dhjeta të shkollave të mesme të larta. Regjistrimi u zhvillua gjatë periudhës 17 – 21 gusht, 2020.
- Pasi kemi përfunduar procesin e grumbullimit të të dhënave për të bërë planifikimin e kuadrit mësimor për vitin e ri shkollor 2020/2021 kemi hapur konkurs për plotësimin e vendeve të punës me kuadër adekuat, në disa pozita.
- Kemi filluar përgatitjet për mbajtjen e Testit të Maturës, i cili u mbajt më 29 gusht. 2020.
- Janë realizuar vizita pa paralajmërim në disa shkolla të komunës sonë për të përcjelluar procesin edukativo arsimor dhe kemi bërë një vizitë punimeve në çerdhen e qytetit.
- Është mbajtur një takim konsultues për hapat e zbatimit të projektit ALLED 2 në Shkollën e Mesme Profesionale, ndërkohë që, në objektin e ri të çerdhes është bërë montimi i kuzhinës.
- Kemi bërë përgatitjet e nevojshme për pranimin dhe shpërndarjen e librave nga klasat patafillore deri në klasat e nënta, të cilat i shpërndamë nëpër shkolla.

- Në funksion të sigurimit të masave mbrojtëse ndaj pandemisë, me ndihmën e Drejtorisë së Shëndetësisë është bërë dezinfektimi i 5 objekteve shkollore, në të cilat u mbajt me sukses Provimi i Maturës Shtetërore. Në Provimin Shtetëror të Maturës morën pjesë 583 maturantë.
- Kemi bërë pranimin dhe kemi filluar shpërndarjen e librave nga klasat parafillore deri në klasat e nënta, nëpër të gjitha shkollat.
- Kemi mbajtur një takim në Ministrinë e Arsimit dhe Shkencës, nga i cili kemi pranuar Master Planin e hartuar nga MASH, i cili do të fillojë të zbatohet për fillimin e vitit të ri shkollos.
- Kanë përfunduar punimet në projektin e renovimit të dy shkollave (Lot2), përkatësisht në renovimin e dyshemeve të klasave dhe nyjeve sanitare në objektin e shkollës “Gëzim Hamza-Piktori” dhe në shkollën “Isa Boletini”. Ka përfunduar puna në instalimin e ngrohjes qendrore në objektin e paraleles së ndarë të shkollës “Vëllezërit Frashëri” në Senoc .
- Kemi pranuar të gjitha dokumentet e nevojshme të aplikantëve fitues të bursave studentore dhe kemi pranuar rezultatet e Testit të Maturës, i cili është mbajtur më 29 gusht. 2020.
- Kemi bërë të gjitha përgatitjet e nevojshme për fillimin e vitit të ri shkollos, me ç`rast shkollat janë dezinfektuar dhe i kemi furnizuar me maska, dezinfektues dhe pajisje higjienike.
- Më 14 shtator filloi pjesërisht viti i ri shkollos sipas vendimit të Ministrisë së Arsimit dhe Task Forcës Komunale në Nivel të DKA-së. Sipas këtij vendimi, shkollat e mëdha filluan mësimin me klasat 0, 1, 2, 3, 6. Shkollat me numër mesatar të nxënësve filluan mësimin me klasat 0 deri 6 dhe shkollat e vogla përnga numri i nxënësve filluan mësimin me klasat 0 deri 9. Shkollat e Mesme të Larta filluan mësimin vetëm me klasat e 10-a.
- Kanë vazhduar punimet në shkollën “ Heronjtë e Kosovës” në Hoçë të Vogël-Brestoc, ku pas mbarimit të luterjes (suvatimit) të mureve të brendshme punët kanë vazhduar në instalimin e gypave të ngrohjes qendrore.
- Më 21 shtator, procesi mësimor filloi në të gjitha klasat, nga klasat 0 deri në të 12-at, me kohëzgjatje të orëve të mësimit me nga 30 minuta dhe pa pushime të gjata. Klasat me numër të madh të nxënësve u ndanë në grupe dhe u koordinua orari mësimor në përputhje me hapësirën kohore të ndërrimeve dhe numrit të nxënësve.
- Realizuar një takim me divizionin e infrastrukturës në Ministrinë e Arsimit dhe Shkencës, me ç`rast morëm konfirmimin se janë pranuar dy projekte nga katër sosh që i kemi kërkuar, për riparimin e nyjeve sanitare në 2 shkolla të komunës sonë.
- Janë ekzekutuar mjetet financiare për bursat e 154 studentëve përfitues pasi dërguar të gjitha shënimet e nevojshme në Ministrinë e Financave.
- Është lidhur kontrata për zbatimin e projektit “Riparime në shkolla (LOT1) dhe kemi bërë Planin për Menaxhimin e Kontratës. Operatori ka filluar punën.

Aktivitetet në periudhën Tetor – Dhjetor

- Procesi mësimor edhe gjatë kësaj periudhe në të gjitha shkollat e komunës sonë u zhvillua normalisht sipas planifikimit të Task Forcës Komunale në nivel të DKA-së. Klasat me numër të madh të nxënësve vazhduan punën të ndara në grupe dhe u koordinua orari mësimor në përputhje me hapësirën kohore të ndërrimeve dhe numrit të nxënësve.
- Pasi është lidhur kontrata për zbatimin e projektit “Riparime në shkolla (LOT1), operatori ka filluar punën, me ç`rast u zhvilluan punime në riparimin e nyjeve sanitare në objektin e shkollës “4 Dëshmorët” në Ratkoc dhe në shkolla të tjera.
- U mbajt Provimi Shtetëror i Maturës – Afati i Dytë, i cili u zhvillua normalisht në 4 qendra. Në Testim morën pjesë 184 maturantë, të cilën nuk kishin arritur të kalonin pragun e kalueshmërisë prej 40%. Kemi pranuar edhe rezultatet e afatit të dytë të provimit të maturës, ku sipas rezultateve 74% e maturantëve në këtë afat kanë arritur pragun e kalueshmërisë me mbi 40%
- Në bashkëpunim me OJQ “Autizmi Ballkan” dhe me njohës të fushës së psikologjisë, kemi organizuar dhe mbajtur një sesion informues për autizmin, në të cilin kanë marrë pjesë mësues/e të programit fillor, edukatorë/e dhe psikologë/pedagogë të komunës sonë.
- Kemi shpërndarë pajisjet higjienike dhe dezinfektues në të gjitha shkollat dhe u bë dezinfektimi i sërishëm i objekteve shkollore.
- Vazhdoi dhe përfundoi me sukses trajnimit me mësimdhënësit e rinjë të programit fillor.
- Punët kanë vazhduar në projektin e renovimit të shkollave (Lot1), përkatësisht në renovimin nyjeve sanitare në shkollën “Rilindja” në Cifllak dhe ka filluar riparimi i nyjeve sanitare në objektin e shkollës në Gexhë. Kanë vazhduar punimet edhe në shkollën “Heronjtë e Kosovës” në Hoçë të Vogël/Brestoc, në shkollën “Haki Stërmilli” në Retijë e poashtu, po punohet edhe në ndërtimin e shkollës “Liria” në Fortesë.
- Në çerdhen e re për fëmijë në qytet është lidhur orëmatësi i rrymës dhe është bërë testimi i ngrohjes qendrore. Kemi bërë të gjitha përgatitjet dhe më 1 dhjetor është bërë përrurimi i objektit të ri të çerdhes “Tulipanët”.
- Është bërë përrurimi i vënies së gurthemelit për ndërtimin e objektit të ri të shkollës “Tre Dëshmorët” në Vrajakë - Bratotin.
- Është kryer riparimi i ngrohjes qendrore në shkollën " Gëzim Hamza - Piktori" dhe në shkollën "Hamëz Thaçi" dhe kanë filluar punimet në riparimin e tualeteve dhe nyjeve sanitare në SHML "Xhelal Hajda-Toni".
- Secilën ditë të kësaj periudhe kemi përcjellur gjendjen me numrin e të infektuarve dhe në secilin rast që na është paraqitur kemi vepruar në përputhje me rekomandimet e IKSHPK-së, MSH-së dhe MASH-it. Këto veprime i kemi bërë deri në përfundim të periudhës së parë të vitit mësimor 2020/2021, e cila me vendim të Ministrisë së Arsimit dhe Shkencës u mbyll më 18 dhjetor, 2020.

PËRFUNDIM

Drejtoria Komunale për Arsim gjatë gjithë vitit 2020, ka qenë e përkushtuar në realizimin e planit vjetor të punës, në përcjelljen dhe realizimin e projekteve dhe gjithashtu edhe në përcjelljen e mbarëvajtjes së procesit edukativo – arsimor në të gjitha nivelet. Ky vit ishte tepër i vështirë edhe për procesin edukativo arsimor për shkak të pandemisë COVID-19. Përkushtimi ynë do të vazhdojë edhe në gjysmën e dytë të vitit shkollor, gjithnjë në përputhje të plotë me planin vjetor të punës të DKA-së për vitin 2021.

